

欽定大清會典事例

欽定大清會典事例卷二百二十三

戶部

鹽法 兩淮

兩淮。○兩淮鹽。原行江甯府。淮安府。揚州府。徐州府。海州。通州。安慶府。甯國府。池州府。太平府。廬州府。鳳陽府。潁州府。六安州。泗州。和州。滁州。湖北武昌府。漢陽府。安陸府。襄陽府。鄖陽府。德安府。黃州府。荊州府。宜昌府。荊門州。湖南長沙府。岳州府。寶慶府。衡州府。常德府。辰州府。沅州府。永州府。永順府。澧州。靖州。江西南昌府。饒州。

府南康府九江府建昌府撫州府臨江府吉安

府瑞州府袁州府河南汝甯府光州行於湖南

者兼行貴州思州府鎮遠府銅仁府黎平府不

頒引

舊有江西南安贛州二府康熙二十五年改食粵鹽河南陳州舞陽等六州縣康熙

二十六年

以兩淮鹽政總理

駐紮揚州府道光十年鹽政裁撤歸

兩江總督管理

兩淮都轉鹽運使司管鹽法道運使專

理

駐紮揚州府

淮南監掣同知

駐紮儀徵縣

淮北監掣同

知

駐紮淮安府

轄鹽場二十有三富安場

在泰廟灣

場

在阜甯縣

伍佑場

在鹽城縣

劉莊場

在泰州

安豐場

梁垛場

在泰州

東臺場

在泰州

新興場

在鹽城縣

河垛場

在泰州草堰場在泰丁溪場在泰隸泰州分司運

判駐泰茶場在泰餘東場在通餘西場在通

呂四場在通金沙場在通石港場在通角斜場

在泰掘港場在如豐利場在如隸通州分司運

判駐泰中正場在海板浦場在海臨興場在海

隸海州分司運判駐泰司運判司運判司運判司運判

光緒十七年奏銷冊計之淮南共銷四十萬引

課入二百八十萬兩有奇淮北係行票鹽並未

領引課入三十一萬二千一百八十二兩有奇

謹案嘉慶五年共行正鹽百六十八萬五千四
百九十二引每引行鹽三百六十四斤課入二

百二十萬二千九百三十兩四錢有奇兩淮未
設餘引如額引不敷即挨年提綱接濟名為豫
提引即每年○順治二年題准兩淮綱引一百
多束無定

四十一萬三百六十每引徵課銀六錢七分五

釐四毫

分七引淮南一百一十八萬九千一百二十

三○九年題准增行甯國食鹽十有六萬七千

三百九十八引每引徵課銀五錢二分五釐

淮南十有一萬三千九百七十八引○十年題准

增行九萬二千六百九十七引照綱引例徵課

○十三年題准增行十有六萬引照綱引例徵

課○十四年題准改江都食鹽萬引於甯國行

銷。○十六年題准上江增食鹽九萬六千七百引。照例徵課。○十七年題准停止新增二項綱引。每綱引攤納課銀一錢二分一釐有奇。○康熙元年題准改淮北食鹽萬引於甯國和含等處行銷。○五年題准江西省吉安府改掣淮鹽增行五萬一千三百有二引。照綱引例徵課。○六年題准湖廣省衡州永州寶慶三府改掣淮鹽撥銷淮南額內綱引八萬一千七百有六。其舊額課銀仍於淮南現行引目內。每引攤納銀六分八釐二毫有奇。○八年題准食鹽照綱引

例每引增課銀一錢五分四毫有奇。○又題准
停止歸綱引十有三萬八千八百四十七引於
淮南綱引內每年攤納課銀一錢一分五釐九
毫有奇。○十年題准改江都食鹽六千引於甯
國和含等處行銷。○十三年題准改淮安食鹽
萬一千九百三十引於綱引地行銷。江都食鹽
三萬五千九百八十一引於甯國和含等處行
銷。○十四年題准改山陽等處食鹽三萬二千
引於甯國和含等處行銷。淮安食鹽萬二千一
百引於綱引地行銷。○十六年題准增綱食鹽

引每引加鹽二十五斤帶課銀二錢五分。又
題准食鹽每引升課銀一錢。十七年題准增
甯國和含等處食鹽五萬六千引照例徵課。
十八年題准計丁增行二萬七百四十二引照
綱引例徵課。二十一年題准停甯國和含等
處新增鹽引減除課銀。二十七年覆准淮南
綱引鹽例有額徵桅封銀原因既掣之後船中
總散難稽故每船給以印封貼之桅上吉安復
食淮鹽嗣後引印亦照例徵輸每歲增桅封銀
三百七兩八錢一分二釐於二十六年為始照

例徵解。又覆准淮南甯國等處增食鹽萬引。太平池州安慶三府增綱鹽二萬引。共增課銀二萬七千九百四十二兩六錢三十六分。為始徵解。二十八年覆准安慶池州太平等府食鹽所加三萬引。准其除去。仍循舊額行銷。三十三年議准加課銀十有五萬兩。四十三年題准兩淮增織造銅斤河工等項銀三十餘萬兩。每引加鹽四十二斤。四十九年覆准湖南省長沙岳州等八府。與湖北武昌漢陽等八府。均食淮鹽一例通融行銷。至湖南衡州永州寶

慶三府亦一例通融行銷。無分疆界。○雍正元年議准。湖廣鹽革除陋規。每包減去鹽價六釐。價賤時。每包以一錢一分九釐為率。價貴時。每包不得過一錢二分四釐。安豐場鹽較梁垛場鹽再減二釐。○又議准。兩淮行鹽地方。如江西湖廣二省。及江甯府屬之上元縣等處。地方廣大。鹽不敷用。每引准其加鹽五十斤。其山陽等州縣逼近場竈。鹽多反致引壅。不必加鹽。其所加鹽。以次年為始。交與巡鹽御史照數秤掣。令其出運。○三年

論鹽價之貴賤亦如米價之消長。歲歉則成本自重。價亦隨之。歲豐則成本自輕。不待禁而自減。朕意若隨時銷售。以便商民。均屬有益。欽此。遵

旨議定。兩淮南北行鹽。除積存廩鹽。係從前煎辦之額。仍照平價運銷外。其自雍正二年海潮淹沒以後。商本自必倍增。令兩淮巡鹽御史。將淮南湖廣等處行鹽。以本年成本之輕重。合遠近腳費。酌量時價。移會該地方官。諭令商民公平賣買。隨時售銷。不得禁定鹽價。以虧商。亦不得高擡時價。以病民。務令商民兩有裨益。仍令各地方

所賣鹽價數目。分析報部。○又覆准。兩淮舊例。於商人之中。擇家道殷實者。點三十人為總商。每年開徵之前。將一年應徵錢糧數目。覈明。凡散商分隸三十總商名下。令其成管催追。嗣後該鹽政運使。不時查訪。遇有分外科派。無故私索者。一經發覺。從重治罪。○又覆准。湖廣省荊州府巴東縣地湧鹽泉。增行二千五百二十六引。課銀二千八百六兩三錢有奇。○又題准。兩淮每引加鹽五十斤。○五年覆准。兩淮鹽價。務令商民公平買賣。該商不得高擡時價。如有射

利病民。即行題參治罪。該御史督撫等通同徇
隱。交該部議處。○七年題准。江西省饒州府增
行二萬引。照例徵課。○九年題准。嗣後淮南引
鹽抵所。查明鹽引鹽包數目。該鹽政照例印結
桅封。標發引皮。其引目釘封。亦由鹽政鈐印放
行。毋庸赴儀徵縣印封。致滋紛擾。○十年奏准。
兩淮鹽運至江西湖廣。均由大江。遇有失風失
水。該地方官及營弁查明屬實。出具印結。仍許
其裝鹽復運。但其中或有實因失風失水。而不
肖地方官營弁勒索餽禮出結者。亦有不肖商

人捏報失風失水。厚餽地方官營弁出結者。嗣後如有鹽船在大江失風失水報到。督撫即飛檄該省鹽道。別委廉幹之員。會同地方官營弁確查明晰。即照例會同出結。准其裝鹽復運。有假捏情弊。亦即據實詳報該督撫。將商人以販賣私鹽律治罪。如該委員與地方官營弁有鹽船實在失風失水。勒索商人餽禮。及通同受餽。假捏出結者。即指名題參。分別究治。其內河小港止失數引數十引者。仍照舊例具詳鹽政運使。地方官覈實出結。准其補給。○十一年題准。

湖南省永順水綏增行三千二百七十一引。照例徵課。又覆准淮鹽至楚。令鹽道於到岸未發之先抽秤。不足即將淮商究治。如轉發水商。查出斤兩不足。即將水商究處。再鹽船至楚。向無數目知會。無可稽查。嗣後定為十日一咨。凡鹽船開行裝載引目。商人船戶姓名。逐一報明鹽政。移會行銷省分督撫。互相稽查。十三年題准。兩淮應行湖南鹽引。因江湖險阻。商人船到漢口。即繳引換領水程。分售水販。運赴湖南行銷。向係湖南鹽道委吏書在省經營。遂得從

中舞弊嗣後即委漢陽府同知就近辦理湖南
鹽道豫將水程編號封發該同知凡鹽船到漢
口繳引即按編號次第填註商人姓名給發仍
立循環簿登明次數月日並所收鹽引每季送
湖南鹽道察覈鹽道將引目差赴兩淮鹽政投
繳○乾隆元年

諭朕聞揚州府儀徵縣江口至江都甘泉二縣所轄三
汊河一道向例三年大濬一次疏淺一次共需銀一
萬六百兩皆商三民七分派捐輸經管里甲不無苛
索滋擾嗣後著將商民捐派之項永行停止所需工

費。即於運庫一半充公項下動支。○又題准淮北增引二萬七千。照例徵課。○四年題准江西省饒州府增行萬五千引。照例徵課。○又題准湖南省行銷淮鹽。每引例應納稅二分。交納藩庫充餉。今永順永綏增設引。即原議照吉安一例納課。行銷吉安口岸。並無引稅之例。免其輸納稅銀。○六年題准江南省高寶泰三州縣定額三千引。照例徵課。○又題准楚省行銷淮鹽。飭令淮商於產鹽旺盛水滿易行之時。不拘何項船慣走大江者。隨便雇募。豫為多運。沿途催趲。毋

許逗遛。○又議准淮鹽運楚。鹽價昂貴。查算各商運楚成本。定為貴賤兩價。以便商民。豐年賤價。每引五兩四錢一分三釐。歉年貴價。每引五兩八錢二分八釐。各有奇。○又奏准商人運鹽。按本計息。其運楚鹽。每引酌定貴賤兩價。止覈計成本。再量加餘息二三錢。以示鼓勵。○又奏准淮南引鹽。產於場竈。原係酒煎。旋煎。旋包。火氣未除。易於淌滲。時當暑月。尤多折耗。往往斤數不足。商本有虧。酌定於五六兩月。每引加耗十五斤。七月加耗十斤。八月加耗五斤。至九月。

則時已秋涼停止加耗。○九年覆准豫省各屬土鹽鄉民貪賤多有買食止許自行食用不許煎販貨賣。○十一年題准江西省安福永新三縣上西礬西二鄉刑名錢穀既改歸蓮花廳管理所有二縣引鹽應行分銷安福之上西分銷六百三引四分永新之礬西分銷千一百三十一引其分銷鹽引歸廳督銷。○又題准淮鹽運楚船大載重輓運維艱民食堪虞統令改作小船止許裝載四五百引以上至千二百引之船定限四十日到漢儻風大難行報明地方官轉

報行銷省分督撫稽查。無故逾限十日以外者。即比照起解官物違限律答二十。每五日加一等科斷。○十三年奏准。淮北引鹽。照淮南引鹽加耗之例。除五月分中河水淺。尚未運掣。毋庸議給。酒耗外。六月每引加耗十五斤。七月加耗十斤。八月加耗五斤。○又

諭。近年淮商急公輸課。頗為踴躍。著加恩於引額之外。每引增給十斤。俾商本不致虧折。民食永資利益。○又奏准。兩淮每年額引不敷。令該鹽政先期約數奏請。即於次年額引內提出行銷。至次年正

綱仍照歲額請領引內註明豫提字樣以免正綱重複有餘繳部查銷。○又題准淮鹽運至江西銷賣酌定貴價每引成本五兩九錢八分五釐賤價每引成本五兩五錢七分九釐各有奇。○十四年奏准江西鹽價照楚省之例每引加餘息二三錢。○十五年奏准嗣後兩淮行運楚鹽令鹽政每年會同江蘇湖廣督撫查明該地方年歲豐歉酌定應貴應賤飭商運銷事竣造冊送部存案以省駁詰其行運江西引鹽亦一例辦理。○十六年

諭朕省方所至。廣沛恩膏。前因兩淮商衆踴躍急公。業已加恩優獎。更念其運綱輸課。接濟民食。恤商斯足以惠民。特再沛殊恩。著將兩淮綱鹽食鹽於定額外。每引賞加十斤。不在原定成本之內。俾得永遠霑受實惠。商人當體朕博愛敦本至意。風俗雖不必驟更。近一分返樸之心。即遠一分極奢之念。殖息毋取其三倍。減一分售鹽之價。即利一分食鹽之人。其有昂值網利。致累閭閻。則深負加恩德意矣。該鹽政其通示衆商知之。○又

諭兩淮各場煎丁。本屬窮民。每因不能接濟。向各竈戶

重利借貸以資食用生計甚為拮据著該鹽政酌量於公項內動銀數萬兩准其赴官借領每年春借冬還不必加息務須妥協經理俾窮丁咸沾實惠○又議准淮北山陽清河桃源邳宿遷睢甯贛榆沭陽八州縣食引壅滯難銷以五分留運食地五分撥運綱地照綱輸課俟食引疏通仍奏

聞照定例辦理○十七年議准河南省汝甯府屬皆食淮鹽每斤定價二分惟上蔡西平遂平三縣緊與行銷蘆鹽地方接壤蘆鹽每斤賣錢十有六文較賤於淮小民多食私鹽以致淮鹽引壅

課紬地方官每罹叅處。自乾隆三年。議將三縣鹽價每斤酌減一釐。已與蘆鹽價等。而不肖鹽店。以銀數作為錢數出售。仍不免於食私。應將該三縣鹽價每斤再減銀二釐。定為一分七釐。如有以錢赴買者。務按換錢時價折算。不得仍行欺誑。至所減鹽價。水商本小利微。難令虧折。應令上蔡西平遂平等商。赴淮辦鹽之時。即將辦運引數。報明該縣轉報鹽政。飭知淮北綱商。酌覈應貼銀數。自為攤派。給發水商歸本。如商店藉口虧本。有攙和沙土重戥短秤等弊。應令

地方官不時查究。二十年覆准兩淮新淤草灘按商竈現有埵鐵者均勻派給照則升科如無埵鐵者雖籍係商竈不准給升如有借竈強占按律治罪。二十八年覆准江西省吉安府正引五萬一千五百四道向來僉殷商辦運三年更替因不能如數儘銷新舊套搭額課等項皆辦商按綱應墊商人每多推諉今將吉安府正引自癸未綱始分交淮南商人同江廣綱鹽一併運行照綱引升課奏銷其吉安府原額鹽數運至南昌省城令吉安水販赴省埠買運每

綱應交窩利銀五萬二千四百餘兩。照舊解交內務府。○二十九年奏准。兩淮鹽斤行運湖廣。江西銷售價值。以甲申綱為始。每綱於綱首鹽船開江之日。即飭運司查取商人成本數目。並餘息統計。每包覈定實應賣銀若干。移明該省督撫。行知鹽道。通飭賣商。遵照售賣。不得踰越。該鹽政每歲覈定賣價。奏明辦理。○三十一年奏准。江西省吉安額鹽。聽水販赴省埠買鹽運銷。於吉安郡城公選賣鹽商夥數人。開設公店。以敵鄰私。○三十五年議准。江西省吉安所屬

一廳九縣幅員遼闊。僅於郡城設立公店。外屬不能徧及。以致食戶憚於遠涉。就近買食私鹽。故設店三載以來。銷鹽不及前次水販之半。嗣後責成省埠賣商。自招殷實水販。分地售銷。

三十六年

諭兩淮之梁鹽安鹽二種。成本原自不同。價值不應一例。著將淮商之梁鹽每斤增價二釐。安鹽每斤減價二釐。物價裒益。既以適均。民商亦為較便。○四十一年議准兩淮鹽價。湖南省永順府屬永順龍山。保靖桑植四縣。河南省汝甯府屬汝陽確山。正

陽新蔡羅山信陽六州縣。上蔡西平遂平三縣。
各照定例行銷。其湖北省武昌府屬江夏武昌
嘉魚蒲圻咸甯崇陽通城大冶通山興國。一十
州縣。漢陽府屬漢陽漢川孝感黃陂沔陽五州
縣。安陸府屬鍾祥京山潛江天門四縣。荊門直
隸州並所屬之當陽縣。襄陽府屬襄陽宜城南
漳棗陽穀城光化均州七州縣。鄖陽府屬鄖縣
房縣竹山竹溪保康鄭西六縣。德安府屬安陸
雲夢應城應山隨州五州縣。黃州府屬黃岡黃
安蘄水羅田麻城廣濟黃梅蘄州八州縣。荊州

府屬江陵。公安。石首。監利。松滋。枝江。宜都。遠安。

今改屬荆門直隸州。八縣。宜昌府屬東湖。長陽。興山。巴東。歸

州。五州縣。湖南省長沙府屬長沙。善化。湘潭。湘陰。

甯鄉。瀏陽。醴陵。益陽。湘鄉。攸縣。安化。茶陵。十二州。

縣。岳州府屬巴陵。臨湘。華容。平江。四縣。澧州直隸

州。暨所屬石門。安鄉。慈利。安福。永定。五縣。寶慶府

屬邵陽。新化。城步。新甯。武岡。五州縣。衡州府屬衡

陽。清泉。衡山。耒陽。常甯。安仁。六縣。常德府屬武陵。

桃源。龍陽。沅江。四縣。辰州府屬沅陵。瀘溪。辰溪。溆

浦。四縣。沅州府屬芷江。黔陽。麻陽。三縣。永州府

屬零陵。祁陽。東安。甯遠。永明。江華。新田。道州。八
州縣。靖州直隸州。暨所屬會同。通道。綏甯三縣。
江西省南昌府屬南昌。新建。豐城。進賢。奉新。靖
安。武甯。甯州。後改名義甯州八州縣。饒州府屬鄱陽。餘
干。樂平。浮梁。德興。安仁。萬年。七縣。南康府屬星
子。都昌。建昌。安義。四縣。九江府屬德化。德安。瑞
昌。湖口。彭澤。五縣。建昌府屬南城。新城。南豐。廣
昌。瀘溪。五縣。撫州府屬臨川。金谿。崇仁。宜黃。樂
安。東鄉。六縣。臨江府屬清江。新淦。新喻。峽江。四
縣。吉安府屬蓮花。廬陵。泰和。吉水。永豐。安福。龍

泉萬安永新永甯十廳縣。瑞州府屬高安新昌
上高三縣。袁州府屬宜春分宜萍鄉萬載四縣。
各屬鹽價。該鹽政每歲奏明行銷。其河南省光
州直隸州。暨所屬光山固始息縣商城四縣。江
蘇省江甯府屬上元江甯句容溧水江浦六合
高淳七縣。淮安府屬山陽阜甯鹽城清河安東
桃源六縣。海州直隸州。暨所屬贛榆沭陽二縣。
揚州府屬高郵泰州江都甘泉儀徵興化寶應
東臺八州縣。通州直隸州。暨所屬如皋泰興二
縣。徐州府屬邳州宿遷睢甯三州縣。安徽省安

慶府屬懷甯桐城潛山太湖宿松望江六縣甯
國府屬宣城甯國涇縣太平旌德南陵六縣池
州府屬貴池青陽銅陵石埭建德東流六縣太
平府屬當塗無湖繁昌三縣廬州府屬合肥廬
江舒城巢縣無為五州縣鳳陽府屬鳳陽懷遠
定遠虹縣裁今鳳臺靈璧壽州七州縣潁州府屬
阜陽潁上霍邱太和蒙城亳州六州縣滁州直
隸州暨所屬全椒來安二縣和州直隸州暨所
屬含山縣六安州直隸州暨所屬英山霍山二
縣泗州直隸州暨所屬盱眙天長五河三縣各

屬價隨時售。均無一定。又議准。兩淮正引。豫提引課。竈課。於次年三月奏銷。四十三年。覆准。兩淮近場竈。向不行銷。官引之通州。海州。泰州。東臺。興化。鹽城。阜甯。如皋。安東。各州縣濱海貧民。仍照向例赴場買鹽。挑負各該處村莊售賣。將老少鹽斤名目。永遠革除。五十一年奉

旨。豫提鹽斤一事。總以正引暢銷為主。如正引實在疏銷暢速。即每年豫提一次。自無不可。儻遇額引滯銷。原不妨間一二年。或三四年。再請豫提。亦無不可。毋庸拘定年限。惟在該鹽政查察情形。隨時覈實奏請。

辦理○五十三年議准江西湖廣及江南之安池太
三府俱係淮南綱鹽地面而課稅相同緣湖廣
為暢銷地面江西與浙閩粵三省毗連均有鄰
私入境官運銷不足額該鹽政於每綱之首查
覈前綱暢滯情形裒益分派額引以期無壅無
缺至江南之安池太三府本有定額而該處在
在濱江私鹽隨路攔入以致官引積壓日多准
其以四分融銷楚省酌定應留應融分數俟本
岸之引請運過半即給予融引令其運楚其間
商力不齊如正鹽未到即以已到之融鹽作為

正額仍於每綱全完奏銷時分析報部。又議
准湖廣江西水販鋪戶赴省買運。從前原按程
途遠近給以水腳。每包加餘利五釐。今腳價倍
增。原價餘利多有賠貼。應每包量增餘利五毫。
其鋪戶領鹽轉售。雖不比水販有船隻運腳之
費。而岸商不能盡識水販。惟責之鋪戶。交收鹽
價。省居貿易房租食用等項。在所必需。每包亦
准加給餘利五毫。淮鹽行銷湖廣。自漢口鎮運
至漢陽等一百一十六州縣。運腳每包一釐八
毫。至六分四毫不等。又各屬水販。每包加餘利

五釐銷戶。每包加餘利九釐。江西自南昌運至各屬。除附省之南昌。新建二縣水販。每包止加餘利五釐。不加運腳。亦無新增餘利外。其豐城等四十七廳州縣運腳。每包二釐。至一分六釐五毫不等。餘利每包五釐五毫。又附省鋪戶。每包加餘利五毫。自饒州府運至本屬。除附府之鄱陽縣水販。每包止加餘利五釐。不加運腳。亦無新增餘利外。其餘干等六縣運腳。每包二釐三毫。至五釐不等。又每包加餘利五釐五毫。○五十四年議准。兩淮行銷湖廣江西。引鹽餘息。

每引於原額三錢之外。如成本較輕。每引酌加餘息二釐。成本較重。每引酌加餘息一釐。○五十五年議准。淮南綱食引鹽。每季將銷數具奏一次。仍確查各案情形。如商鹽短少。以致缺銷。按額計其缺銷之課。著落該商完繳。如商鹽充足。而地方不銷。著落地方官賠出。如上季滯銷。下季暢售。亦許將贏補絀。總期四季銷足。一年之額。不准稍有挖欠。其年滿考覈銷數。分別降罰之處。仍咨部照例辦理。○嘉慶元年奉

旨。嗣後兩淮奏銷鹽數目。著按年計算。不必按季具奏。

致有牽混。二十年覆准兩淮角斜場額產鹽八萬

七千七百八十引。

原額七萬三千五百引。嘉慶十二年添置鹽鐵四十四引。

十三年添置鹽鐵五十八引。十七年添置鹽鐵一百三十六引。共增一萬四千二百八十引。

草堰場額產鹽九萬三千六百一十九引二分。

原額八萬九千七百三十九引。六分。嘉慶十四年添置鹽鐵十四引。十六年添置鹽鐵十二引。

十八年添置鹽鐵二十八引。二十年添置鹽鐵六引。共增三十八百七十九引。六分。餘東

場額產鹽三萬六千二百二十引五分。原額三萬三千

六百三十七引。五分。嘉慶十七年添置鹽鐵八十二引。增二千五百八十三引。○二十

三年覆准淮南商量竈鹽。每桶定以二百斤。每

引兩桶淨鹽四百斤。各分司眼同商竈用秤較

準。毋許商人浮量累竈。至運赴儀所。每引仍按

三百六十四斤掣驗。如有多斤。即令割配生引

附運。○二十四年奏定兩淮鹽價。湖南省永順

龍山保靖桑植四縣。每斤價銀不得過三分。不河南省汝甯

府屬汝陽確山正陽新蔡羅山信陽六州縣。每

價銀。二上蔡西平遂平三縣。每斤價銀各照定價

行銷其湖北。武昌府屬江夏武昌嘉魚蒲圻咸

州縣。漢陽府屬漢陽漢川孝感黃陂沔陽五州

均州。襄陽府屬襄陽宜城南漳東陽穀城光化

康。鄖西六縣。德安府屬安陸雲夢應城隨

州五州縣。黃州府屬黃岡黃安蘄水羅田麻城

廣濟黃梅新州八州縣。荊州府屬江陵。公安。石
首。監利。松滋。枝江。宜都。遠安。八縣。宜昌府屬東

湖。長陽。興山。巴。湖南。長沙府屬長沙。善化。湘潭。
東。歸州。五州縣。湘陰。甯鄉。瀏陽。醴陵。益陽。

湘鄉。攸縣。安化。茶陵。十二州縣。岳州府屬巴陵。
臨湘。華容。平江。四縣。澧州直隸州。澧縣。石門。

安鄉。慈利。安福。永定。五縣。寶慶府屬邵陽。新化。
城步。新甯。武岡。五州縣。衡州府屬衡陽。清泉。衡

山。耒陽。常甯。安仁。六縣。常德府屬武陵。桃源。龍
陽。沅江。四縣。辰州府屬沅陵。瀘溪。辰溪。溆浦。四

縣。沅州府屬芷江。黔陽府屬沅陽。三縣。永州府屬零陵。
祁陽。東安。甯遠。永明。江華。新田。道州。八州縣。靖

州直隸州。盛所屬會。江西。南昌府屬南昌。新建。
同。通道。綏甯。三縣。豐城。進賢。奉新。靖安。

武甯。甯州。八州縣。饒州府屬鄱陽。餘干。樂平。浮
梁。德興。安仁。萬年。七縣。南康府屬星子。都昌。建

昌。建義。四縣。九江府屬德化。德安。瑞昌。湖口。彭
澤。五縣。建昌府屬南城。新城。南豐。廣昌。瀘溪。五

縣。撫州府屬臨川。金谿。崇仁。宜黃。樂安。東鄉。六
縣。臨江府屬清江。新淦。新喻。峽江。四縣。吉安府

屬蓮花廳。廬陵。泰和。吉水。永豐。安福。龍泉。萬安。
永新。永甯。十廳縣。瑞州府屬高安。新昌。上高。三
縣。袁州府屬宜春。分
宜。萍鄉。萬載。四縣。三省各屬鹽價。該鹽政確

數成本。酌加餘息。奏明行銷。湖北湖南現在賣

七釐。四毫。零。江西現行賣其河南光州直隸州。

固始。息縣。江蘇江甯府屬上元。江甯。句容。溧水。

商城。四縣。江浦。六合。高淳。七縣。淮安府屬

山陽。阜甯。鹽城。清河。安東。桃源。六縣。海州直隸

州。鹽所屬贛榆。沐陽。二縣。揚州府屬高郵。泰州。

江都。甘泉。儀徵。興化。寶應。東臺。八州縣。通州直

隸州。鹽所屬如皋。泰興。二縣。徐州府屬邳州。宿

遷。睢甯。安徽松。望江。六縣。甯國府屬宣城。甯國。

涇縣。太平。旌德。南陵。六縣。池州府屬貴池。青陽。

銅陵。石埭。建德。東流。六縣。太平府屬當塗。蕪湖。

繁昌。三縣。廬州府屬合。肥。廬江。舒城。巢縣。無為。

五州縣。鳳陽府屬鳳陽。懷遠。定遠。鳳臺。靈璧。壽。

州。六州縣。潁州府屬阜陽。潁上。霍邱。太和。蒙城。
亳州。六州縣。滁州直隸州。鹽所屬全椒。來安。二
縣。和州直隸州。鹽所屬含山縣。六安州直隸州。
鹽所屬英山。霍山。二縣。泗州直隸州。鹽所屬盱
眙。天長。五各屬。價隨時售。均無一定。○二十五
河。三縣。年覆准。淮北商鹽。分運安豫兩省。以兩引併為
一包。掣驗時。不得逾七百二十八斤定額。如有
多斤。另配生引。原奏兩引不得逾七百四十斤。內每引十斤。係奏明暫增之
數。現應○道光十年
停止。

諭。據王鼎寶興奏。請將兩淮鹽務改歸總督管理一摺。
兩淮官引滯銷。鹽務疲敝。現據王鼎等奏稱。由該鹽
政無管轄地方之責。文武員弁。均非所屬。疏銷緝私。

難期令行禁止。著將兩淮鹽務改歸兩江總督管理。所有鹽政一缺。著即裁撤。欽此。遵

旨議定。一。兩淮鹽務改歸兩江總督管理。一。兩淮收鹽桶秤。由運司衙門遵照定制驗烙頒發。不准場商私製。其提泰壩批驗所各鹽秤。亦一律烙發。認真秤驗。並於運河要道之北橋處所。運司親莅抽秤。如有格外重斤。即將秤驗各官叅撤示懲。一。兩淮辦事商人。於衆商內擇其公正醇謹。行鹽最多者數人。作為辦事之商。遇有公事。飭令覈議經辦。不准再定總商名目。永杜弊端。一。

鹽船遭風失險淹消引鹽停其津貼止准補運
不准免課如船戶盜賣捏報淹消照例嚴懲治
罪。漢口地方為商船聚集分銷引鹽之所各
岸商按引捐銀專為各衙門公費等項之用每
引止捐銀四錢由鹽道覈數之報永遠不准加
增。商課入庫分別正雜正項專候部撥及應
解正款雜項分款另儲不許與正項攙混挪移
並不許商人干豫庫儲事宜以免弊混。運鹽
船價嗣後仍照例定水腳照實覈發毋許商廝
牟頭從中絲毫剋扣並明定章程將各船挨次

編號連環保結不准船戶買裝帶私亦不准盜賣商鹽查出嚴行懲辦並將該埠保一併治罪。漢口地方為鹽船聚集停泊之區嗣後隨到隨售毋許封輪以免守候不准再有整輪。鹽務各官有與商人聯姻換帖或與商人夥本行鹽者應即呈請迴避如有蒙混查出嚴行叅辦其各省鹽道除河南引地歸糧道兼理仍從其舊外至湖北鹽道督銷功過歸兼轄鹽務之總督衙門考覈會同該省督撫具奏以專責成。

十一年

諭陶澍奏開綱以來。淮北止捆二萬餘引。較定額不及十分之一。本年將官收竈鹽。督商辦運。均擇暢銷之岸先行運往。以冀早收庫項。而滯岸仍無鹽濟。售民間既無官鹽。不得不買向民販竈丁積有餘鹽。亦不能不賣與民販等語。著照所請。淮北暢岸仍歸商運。其餘滯岸。即仿照山東浙江票引兼行之法。於海州屬之中正板浦臨興三場。分設行店。聽民投行購買。運往售賣。擇各場要隘之地。設立稅局。給以照票。註明斤數。及運往何處字樣。凡無票及越境者。仍以私論。著陶澍即飭運司妥議條款。酌量試行。○十二年

議准。淮北改行票鹽行銷安徽省鳳陽府屬之鳳陽懷遠壽州鳳臺靈璧定遠潁州府屬之阜陽潁上霍邱亳州太和蒙城六安直隸州及所屬之英山霍山泗州直隸州及所屬之盱眙五河等十八州縣河南省汝甯府屬之汝陽正陽上蔡新蔡西平遂平確山信陽州羅山光州直隸州及所屬之光山固始息縣商城等十四州縣江蘇省淮安府屬之山陽清河淮安東桃源海州直隸州及所屬之贛榆沭陽徐州府屬之邳州宿遷睢甯等十州縣。票鹽由運司頒給。

印票交板浦中正臨興三場收儲民販納稅請
票該大使於票內填註民販姓名籍貫運鹽引
數所銷州縣鹽運出場由卡驗放不准越卡及
票鹽相離侵越別岸違者以私鹽論如所指之
地鹽壅銷滯准其就所在地方呈明轉運他岸
售賣仍不得越出四十二州縣之界違者照私
梟例治罪其票由民販呈繳所銷州縣按月申
送運司查覈。每票行鹽四百斤徵正課銀一
兩五分一釐經費銀四錢鹽價銀六錢按票徵
收此外不得分毫需索。各州縣招徠民販由

該州縣給予護照載明姓名年貌籍貫給本人赴場買鹽其海州附近居民及各省客民在海州貿易者即就近在海州請領護照赴場呈照請票該大使於護照內用戳登記其護照准行三年更換其在本場居住者止用手本呈明姓名年貌居址由局商加具保結准其一體請票販運一票鹽設局收稅以便竈戶交鹽民販納稅板浦場於西臨朐太平嶺各設一局中正場於花朵垣設一局臨興場於臨浦富安朐各設一局每局由運司遴委委員一人常川駐紮遇

有民販買鹽。由局商帶赴本場衙門納稅請票。
局員三六九印各照票載引數。眼同民販逐包
秤驗。於票後加用本員銜名戳記。聽其出場。儻
途中查出包內多帶。將該員叅處。海州所屬
之房山堡大伊山吳家集三處。係水陸要隘。於
各該處設卡巡查。每年由運司派委妥員督查。
限一年更替。遇民販到卡驗票抽秤。如包數斤
重相符。於票內鈐蓋卡員戳記放行。儻有夾帶。
移交地方官究辦。其鹽包應以淨鹽一百斤為
一包。每引四包。三場一律照辦。運到認銷口岸。

繳票時如無卡員戳記以越漏論照不應律治罪。臨興場所屬之唐生興莊。祐汪三。鹽僻在海隅地方遼闊。由運司派委妥員駐紮青口。經理漁船鹽切。及贛榆縣本邑食鹽。照現定章程給票收稅。以杜透漏。一私梟渡黃。責成沿河廳營文武員弁。將渡船水手。擎交地方官。無論人鹽。曾否並獲。但審有證據。即將渡船水手。照窩國私鹽例治罪。官船另募管駕。私船變價充賞。

○咸豐三年

論淮南引鹽。因道路梗塞。未能銷運。而產鹽各場。尚屬

完善。若任聽私煎私售。致自然之利棄之如遺。於鹽
綱全局大有關係。著兩江總督飭令運司移駐通泰
適中之地。督同運判場員就場徵課。即照戶部所議
章程變通酌辦。期於課項實有裨益。○同治三年奏
准。楚西各岸設立督銷局。派委大員經理。商
販運鹽到岸。投局挂號。懸牌定價。挨次輪銷。鹽
未到輪。不准搶賣。每引定為正鹽六百斤。分
捆八包。另給酒耗七斤半。包索三斤半。如有重
斤夾帶。即行嚴懲。提鹽充公所收鹽課。按上下
半年奏報。○七年

諭淮南引地以楚岸為大宗。從前因江路梗阻。淮鹽未

能行銷。疊經湖廣總督奏明。借撥川鹽。並抽收川私釐稅。原係一時權宜之計。近年江路早經暢通。自應規復舊制。雖節經酌減淮釐。以輕成本。而鄰私未能盡禁。淮鹽總難暢銷。曾國藩所陳川私病淮各節。自係實在情形。著吳棠、李鴻章、郭柏蔭、何璟即將川鹽行楚章程。妥籌停止。其兩淮應用行鹽引張。並著兩江總督查明。委員赴部請領。不得僅用鹽政大票。以符舊例。○十年奏准。湖北省襄陽、鄖陽、安陸、荊州、宜昌、五府及荊門州。並湖南省之澧州。係川淮二

鹽分界行銷處所。○十二年奏准淮南鹽棧前因儀徵難以修復。改由瓜洲開橫河至七河口設棧。上年六河口江岸坍塌。仍應改設儀徵。以復舊制而利商運。○光緒二年奏准荊州鹽課改歸宜昌設局併辦。○六年奏准前因淮南運銷暢旺。引票不能徧給。遂參綱法於票法之中。刊頒淮南循環章程。有票者恃循環為恆業。無票者欲撓入而無從。行之近二十年。淮南商人獲利較有把握。厥後淮北踵而行之。新商每備本買票。稟請更名。十餘年來。獲利者亦不乏其

人目前辦運各商大率出過票本者居多與初
行票時情形迥異今若令散循環之法按年加
以常捐是既奪其可操之券而又竭其不涸之
源恐新商從此裹足現擬仿照歷次籌捐成案
勸令南北及食岸各商共捐一次銀一百萬兩
由督銷各局按引覈收分批解部仍令照章將
所認引票永遠循環以裕餉需而保釐局○九
年奏准湖北省樊城沙市岳口螺山等處設立
局店試辦分銷川淮二鹽

欽定大清會典事例卷二百二十四

戶部

鹽法 河東 花馬池

河東○河東鹽原行山西太原府平定州忻州
代州保德州甯武府汾州府遼州沁州平陽府
蒲州府解州絳州吉州隰州潞安府澤州府陝
西西安府鳳翔府今改食花馬池鹽邠州乾州商州同
州府興安府河南河南府陝州南陽府汝州許
州之襄城一縣以山西巡撫兼管向係河東鹽政總理駐紮
山西運城自乾隆五十六年課歸地丁鹽政裁汰河東都轉鹽運使司

管鹽法道運使專理。駐紮山西運城。鹽池在解州安邑。

池之解鹽中場。在安邑縣。解鹽東場。在安邑縣。解鹽西場。

在安邑縣。均隸中分司運同。駐紮運城。乾隆五十七年。運使運同中東西三

行裁汰。場大使。概光緒十七年。照咸豐六年奏定山西

陝西河南三省共行六十五萬九百七十一引。

課入六十萬兩有奇。謹案乾隆五十六年共行正鹽四十二萬六千九百

四十七引。每引行鹽二百四十斤。共徵課銀四

十六萬八千二百六十六兩八錢有奇。餘引二

十四萬。儘銷儘報。無定額。贏餘銀四萬五千四

百十六兩五錢有奇。又奏准鹽課攤入山西陝

西河南三省地丁項下徵收。山西攤徵銀二十

八萬。河南一十一萬二千一百一十九兩一分三毫。陝西攤徵

銀一十四萬六千三百七十一兩一錢五分六釐。河

南攤徵銀八萬六千六百三十三兩九錢七分。

一釐共攤徵銀五十一萬三千六百八
十三兩三錢有奇。於五十七年為始。○順治

元年題准。河東行正鹽四十萬六千七百三十
三引。改引三千二百。每引徵課銀三錢二分。○
二年議准。山西太原府汾遼等州。停止票鹽。改
行引鹽。○十三年題准。增行十萬引。照正引徵
課。○十六年題准。停新增引目。每正改引。攤納
課銀七分八釐有奇。○康熙十四年題准。正改
引。每引加課銀五分。○十六年題准。增正改引。
每引加斤銀七分。○十七年題准。計丁加四萬
四千七百六十一引。照額徵課。○十九年題准。

計丁加四千三百三十二引。照額徵課。○又覆准鹽池圍牆隄堰。皆係鹽丁責任。除原留二千名外。再酌給二十名。以供修築。其餘鹽丁。盡令納糧。○二十四年覆准。停徵每引加五分課銀。○又題准。河南懷慶府引課。已歸蘆商完納。減河東三萬七千三百五十一引。○二十五年覆准。將河東五小鹽池停止。令仍歸大池澆曬。○二十八年覆准。停徵每引加課七分。○三十三年議准。加課十有五萬三千三百二兩四錢二分有奇。○五十三年題准。山西平陽潞安澤州。

三府。陝西西安府。興安府。河南河南南陽二府。汝州。及襄城縣。均食河東解鹽。山西太原汾州。遼沁等府州。食本地煎鹽。陝西鳳翔府。食花馬池鹽。○雍正二年題准。河東引分與山西陝西河南三省行銷各州縣。常有不敷。自雍正三年為始。每年頒餘引十萬。如遇額引不敷之處。即令運使填給。照例納課。於奏銷時。將已行餘引儘數題報。存賸餘引。仍繳內部。其有不能銷額引之州縣。於附近州縣帶銷。○六年題准。每年額引項下。公務內留存銀五千兩。為修築渠堰。

之用。再於餘引公務內留存銀六千兩。以三千兩為歲修池牆之用。以三千兩存儲運庫。積至五年。以備大修。○又題准。鹽池禁牆築堰。歲修皆有動項。不必責令鹽丁民夫派修。並將丁夫編入民籍輪差。○七年覆准。解州安邑額行八千七百引。仍歸解安行銷。儘商儘辦。餘贍繳部。其山西陝西河南三省領引各商。一名仍增給三引。以足百二十引之數。不必代銷解安額引。其百二十引之外。再頒八千七百引。給發各商。按實數領運。○八年題准。陝西長武縣。向銷河

東之引。而食花馬池鹽。既稱民便。即照鳳翔之
例。改食池鹽。增百有四引。發該縣照鳳翔例納
課行運。造冊奏銷。至長武縣舊額六百四十五
引。歸入餘引項下。令陝西行銷。餘引商人領運。
每年應輸課銀二百七十五兩。官錢公務輸銀
一百九十二兩九錢四分。照數徵收。造報。其以
額作餘之公費銀。免其歸公。○九年題准。河東
額引。如行銷不足。即請領餘引。每引加鹽四十
斤。以資耗折。○又題准。猗氏。稷山。高陵。三縣。行
銷不足舊額四千百有五引。輪坐加增。令陝西

商人永遠作餘引行銷。○十三年奏准修理渠堰銀。每年皆有餘賸。停止歲修禁牆銀三千兩。如有坍塌。即於歲修渠堰銀內動支。儻三年內有坍塌者。令原修之員賠築。○又奏准河東鹽池隄堰。查明工程平險。分別興修緩急。將姚暹一渠。分為一年。李綽等六堰。分為一年。其餘諸堰。分為一年。次第輪修。立限保固。○乾隆二年奏准。嗣後河東興修工程。照河工之例。於十月內題估。次年四月內題銷。令承修各官保固。○三年題准。鹽池內外壕地。不便令兵役耕種。有

礙禁牆。每年應徵穀米十有三石。准其豁免。○
十一年題准。蒲城縣額行七千三百七引。減千
九百二十九引。夏縣額行五千二百四十八引。
減千三百十有一引。歸於河南唐縣作餘引行
銷。○二十六年奏准。池鹽歉收。減餘引七萬道。
○二十八年覆准。河東引課。改於次年十月奏
銷。○三十一年奏准。復河東餘引五萬道。○四
十一年覆准。河東招充鹽商。雖有准其更換之
例。然並未定有年分。原欲杜規避之端。但閱時
既久。疲乏日多。若非酌定年限。招商更換。必致

虧課誤公。應照晉省運銅之例。招充鹽商。亦以五年為更換之期。令現充各商。先期自行舉報。殷實富戶。巡撫行查各府州縣。詳覈果係殷實之人。取具印甘各結存案。俟應換時。查其五年內引課無虧。許令更換。儻有故意停引欠課情弊。嚴行追繳。毋許貽累新商。○四十二年奉

旨。河東鹽斤。陸運易於損耗。又遇夏秋兩水。虧折尤多。著加恩准其仿照兩淮。於五、六、七、八等月酌半加添。每引量加耗鹽五斤。以示體恤。○又覆准。河東行運商鹽。由巡撫發給運票。運司發給護票引張。該

商等總派一押運之人。給令慎重收藏。其車戶
驢夫。另給連環小票。各令齎投該地方印官查
驗。○又覆准。河東坐商曬鹽畦地。仿照兩淮之
例。令運商關定某坐商。其引鹽一切。即令運商
稽查。毋許坐商私相租課。○四十三年

諭。河東鹽政事務本簡。非兩淮長蘆可比。況直省中如
浙江福建兩廣。俱係督撫兼理鹽政。較為妥協。河東
鹽政。毋庸另行簡放。即著山西巡撫兼管。至一切鹽
務。原有運使專辦。今得該撫統轄。俾事權歸一。呼應
更靈。於商民均屬有益。並著為令。欽此。遵

旨議准。鹽政原有印信。應照浙江巡撫兼管鹽政之例。凡鹽務事宜。仍用鹽政印信。毋庸另行改鑄。遇商民有交涉事件。地方官會同鹽員公議。詳報巡撫衙門覈實辦理。仍各司其事。毋許干預。○四十七年議准。河東商人原定五年更換。近因富戶趨避充商。情偽百出。且鹽務頭緒紛紜。富戶初膺其事。首尾茫然。所有五年更換之例。即行停止。先就現商中擇其殷實者。定為長商。疲乏者令其歸業。人數不足。即令所留之商。公同舉報。若所舉不實。即將引地派令舉報之商。公

同認辦。並將引地分為上中下三等。配搭均勻。鬮分掣認。以杜高下偏枯之弊。○四十九年奏准。河東每年請領餘引二十四萬道。嗣因池鹽歉收。減餘引七萬道。又陸續奏復五萬道。近年池鹽屢獲豐收。從前積滯引地。漸次疏銷。今將已減未復之餘引二萬道。全數增復。作為乾隆甲辰年餘引。仍照舊例儘銷儘報。至陸運鹽斤。例於五、六、七、八等月。每引加耗五斤。惟五月至八月正屆農忙。必待九月以後天晴路乾。農隙脚賤之時。方能源源掣運。並將原定加耗月分。

改於九十十一十二等月。儻將來耗鹽充溢。以致餘引滯銷。統計新舊增復二十四萬之數。有虧銷至一萬引以上者。即將每引加耗五斤。奏請革除。○又議准行銷河東鹽引之陝西興安直隸州。改設府治。漢陰縣改為安康縣。所有舊設興安州。漢陰縣地方。俱歸新改之安康縣管。理。該二州縣原設額引。統令安康縣併案督銷。

○五十年奉

旨。河東池鹽全係陸運。需費浩繁。今戶口日增。物價胥貴。運鹽之食物腳價。較之往年。自必有增無減。著將

續增二釐鹽價。加恩准作定額。以紓商力。○五十六年奏准。河東鹽務積疲。商屢換則病在殷戶。價屢增則困在貧民。惟有課歸地丁。聽民自運。既無官課雜費。又無兵役盤詰及關津阻留。小民踴躍爭先。斷無販運不前者。國無加賦之名。民無淡食之患。補偏救弊。舍此別無良法。其池鹽向不收稅。聽令各原畦主照舊澆曬發販。官為彈壓。以杜爭端。自乾隆五十七年為始。山西陝西河南三省之鹽課雜項。共銀四十八萬餘兩。在於三省行鹽完課納稅之一百七十二廳州。

縣地丁項下統計酌量攤徵。○五十七年議准。河東課歸地丁。撤去運商。鹽聽民運。原設鹽政各官。已無專司之事。所有鹽政。運使。運同。經歷。知事。庫大使。中東西三場大使。概行裁汰。鹽政印信。係山西巡撫兼管。自本年十月始。題本文案。蓋用巡撫關防。先將鹽政印信繳銷。餘俟十月奏銷後。一切印記。概行繳銷。○又議准。小販赴河東買鹽。與坐商自相交易。毫無憑準。易起爭端。應令仿照舊式。由河東道印烙另製官秤三杆。給發中東西三場斗級收執。凡有商販買

易。以此秤為準。原秤存庫備較。又外來小販。人地生疏。必須牙行代為經理。河東舊有鹽牙。不領牙帖。仍照舊設立。由河東道點充二十四名。○又議准。山西茅津陌底二處渡口。為河南省行鹽必由之路。向係河東運商自置渡船。以便往來。應將現存渡船。即給該處船戶收管。嗣後小販運鹽過渡。由河東道酌定渡錢。以資養贍。船有損壞。責令船戶自行修補。○又議准。行銷河東池鹽之山西河南陝西三省。共一百七十七餘廳州縣。每歲額引四十二萬六千九百四十

七道餘引二十四萬道。今課歸地丁。無需商運。部引毋庸再領。紙硃銀兩。免其解納。○又議准。河東課歸糧輸。鹽聽人運。兼有就近買食土鹽。花馬池鹽。蒙古鹽之類。亦不許禁阻。並不許私收稅錢。庶處處有鹽。民食無虞。缺乏。惟池鹽界連湖北之處。恐有販越。應飭地方官留心緝禦。○又議准。河東池鹽。歲修渠堰銀五千兩。令坐商照數交納。河東道庫。以備歲修之用。如經理不善。池有損壞。即將河東道叅賠治罪。池內中東西三場畦地。飭商照舊管業。責令原設三巡。

檢分管稽查巡緝。督飭澆曬。遇有典賣稟明河東道立案。至坐商曬成鹽料。除聽人買販外。許坐商自運山西河南陝西三省出售。如情願收存棧房從緩售賣者。亦聽其便。○嘉慶十一年奏准。河東鹽務已改歸地丁徵課。現在潞鹽浸灌鄰界。仍應改還商運。○又覆准。晉省商人賠累。實緣原議以賤價定為長額。請照乾隆十年成例。令該商等按收鹽豐歉。成本重輕。自定賣價。仍令該撫等將各處售賣鹽斤實價。按月造冊報部。俟試行一年。再行酌中定價。○又

諭河東運使毋庸復設即以河東道兼辦鹽法道事務

○十三年

諭戶部議覆山西省奏將鄂爾多斯蘇尼特鹽斤比照老少鹽之例准令口內行銷並聲明可否免稅請旨一摺向來附近場竈孤獨殘疾貧民報明註冊後始准每人每日挑負鹽四十斤售賣易食並於經過各關例皆免其納稅用示體恤今鄂爾多斯蘇尼特無引蒙古鹽斤亦比照老少鹽之例進口銷售該處人數衆多非場竈貧民之向有限制易於查驗者可比若聽其自行販賣漫無稽覈以一人肩挑背負而計

為數固屬有限。而每日之內。影射謀利。紛至沓來。正復不少。勢必至鹽斤充斥。於課引不無阻滯。亦有關繫。至此項挑負之鹽。經過殺虎口地方。每人應完稅銀。雖止一分五釐。而積少成多。亦不可不統為覈計。著該撫將鄂爾多斯蘇尼特行銷口內鹽斤。每日挑負者。如何酌定人數。設法稽查。其有違犯者。應如何懲處。妥議章程。並將酌定人數後。殺虎口應免鹽斤稅銀。統計一日共有若干。著一併具奏。再降諭旨。○

十五年奏准。山西。河南。陝西三省。自嘉慶十五年為始。照乾隆五十五年以前原價。每斤加銀

五釐二毫。作為河東定價。至暫徵鹽價以濟河

工經費。於奏定例價之外。每斤加增銀一釐。按

引徵收。俟河工告竣。即行停止。○十七年奏准

河東新增

由吉蘭泰裁改

餘引八萬七千五百道。每年

額徵正課公務官錢平餘公費。

計原額共銀六萬三千五百八

十八兩。每名另加公費銀共四十三百七十五

兩。又公費平餘銀一百九兩三錢零。又徵河工

經費銀二千兩。

共銀八萬九千七十二兩有奇。○二

十一年議准。吉蘭泰池鹽。准該處蒙民自行撈

運。如有興販入口者。由殺虎口照例收稅。止准

車載羸馱。自陸路販售。不准水運。其販鹽之人

並飭阿拉善王毋許發給執照。○二十四年覆
准。一豫省之閩鄉靈寶盧氏內鄉陝州洛陽通
池新安宜陽孟津寶豐鞏縣偃師南陽南召永
甯登封郟縣襄城鄧州唐縣新野泌陽伊陽鎮
平葉縣嵩縣桐柏裕州汝州魯山浙川三十二
州縣統歸會興鎮一處口岸。發票稽查。仍將靈
寶口岸運道及閩鄉孟津等縣水運鹽斤。嚴行
禁絕。以杜侵越。一商收民販鹽價。每斤酌定銀
一分七釐。每銀一兩合錢一千文該民販發運售賣。止許
在三十二州縣之內。不得稍有侵越。致妨淮蘆

網地。一委員駐會興鎮。給予戳記。蓋用照票。給發民販行銷。其銷鹽地方。在四百里內者。以半月為期。八百里內者。以一月為期。逾限照私鹽論。銷竣後。將鹽斤在某州縣行銷註明票內。呈繳委員查銷。十引以上者限三箇月繳銷。另給一名以上者限六箇月繳銷。另給新票循環銷售。儻有逾限及侵越情事。由委員詳請行文銷鹽州縣查辦。一鹽引由河東道戳明某商某縣字樣。由該管大使截引二角。陝州截引二角。即行繳銷。一唐縣裕州澠池歸公銀一萬七千八百七十八兩五錢五分五釐。按引均勻攤解。每年解交豫省專

案報覈。一設立公直。由行商公舉明幹一二人充當。民販應買何商鹽斤。責令按引數多寡。均勻發售。仍令委員隨時稽查。如有暗中減價增秤。以致發售鹽斤多少偏枯者。即按律懲辦。一載鹽出場。每引分為兩袋。遇冬月加耗五斤。每斤加二由河東道按照部頒法馬。各給官秤一杆。另設一杆。存於公所。不時覈對。毋許畸輕畸重。○道光二年議准。河東鹽課。於次年四月奏銷。公務官錢等款。隨同正課徵解造報。○六年覆准。河東鹽經歷。改令兼管批驗所大使事務。移

紮河南陝州會興鎮地方。查照民販運鹽數目。填寫印票。發給行銷。其銷鹽地方。在四百里內者。以半月為期。八百里內者。以一月為期。逾限以私鹽論。銷竣後。將鹽斤在某州縣銷售。註明票內。呈繳批驗大使查銷。十引以上者。限三箇月繳銷。一名以上者。限六箇月繳銷。另給新票。循環銷售。儻有逾限及侵越情事。由批驗大使詳請行文銷鹽州縣查辦。其十引以下小販未繳之票。查出。如屆半年。即作為廢紙。該地方官仍隨時稽查。毋許重複影射滋弊。○又奏准河

東鹽池渠堰除商捐歲修銀五千兩按年交納
河東道庫外每年復增給銀五千兩在於商捐
銷價生息
項下發商生息銀五
萬兩之息銀內動支為歲修渠堰各工之用歲
底將用過銀數造冊報部有餘存儲道庫備支
如經理不善池有損壞即將河東道查叅著賠

○十二年

諭長齡奏查明蒲灘鹽地情形詳晰籌議一摺山西省
蒲灘產鹽處所民曬官銷挪引分辦不特防範難周
更恐易滋流弊自上年查禁私曬鹽引已形暢銷現
據該商人等呈請捐輸永遠代賦津貼是以商力之

有餘。濟小民之生計。著照所議。准其將代賦銀五百四十三兩零。津貼銀九千一百五十兩零。由該商人等按年照數呈交道庫。轉發永濟縣按戶分給。仍責令蒲州府永濟縣實力稽查。俟將來收穫有成。再將前項銀兩。按畝劃除。庶民力不致竭蹶。而私曬亦可杜絕。洵於裕商便民。兩有裨益。○十七年議准。河東池鹽。運商掣鹽。由東中西三禁門而出。每門每日止准出鹽二十五名。以杜擁擠夾帶。如掣運過多。即於次日接續出放。其車夫驢夫所執小票。註明給發日期。按道路之遠近。定限期之多。

寡先將給票運鹽數目。及定限日期。飭知行銷
之地方官。並河南會興鎮鹽經歷。按限催繳。如
有遲延。照例治罪。儻該地方官並鹽經歷。任令
遷延。致有執票重運情弊。一經查出。從嚴叅辦。
每年將收鹽數目。由河東道造冊。申送巡撫。該
撫於查閱營伍之便。順道抽查一次。儻非閱伍
之年。派員抽查。如有收多報少情弊。立即嚴叅。

○咸豐二年

諭。前因王慶雲聯英會同山西巡撫兆那蘇圖奏通籌
河東鹽務酌議留商改票。先課後鹽章程。開單呈覽。

當交戶部妥議具奏。茲據該部逐條覈明。分析議奏。
如永禁僉商。以省控累。責成改票。以期暢銷。革浮費。
禁攤派。以杜虧絀。定池價。減銷價。申明畦地租課舊
章。以免流弊。覈科則以輕成本。立口岸。以便發販。緝
鹽池之透漏。堵引地之私售。另籌公用。酌加鹽斤。及
潞澤節省銀兩。歸於通綱攤完各條。既經該部悉心
籌度。分別准行。著即照新定章程。妥為辦理。整頓鹽
務。總以裁費緝私為剔弊大端。裁費務盡。不得名去
實留。緝私本地方官之責。現在池價既定。恐坐商罔
利。售私必應認真巡緝。不得藉口減費。稍存玩泄。儻

該官商等敢於阻撓廢格以致辦無成效即著指明
參辦毋稍徇隱○三年

諭戶部奏河東鹽務亟籌變通一摺河東鹽務自有僉
商之議百弊叢生近年以來酌議章程屢定屢改不
過調停於長商短商之間仍未能經久不弊今據該
部奏請就現在運商一百餘家各按籤地之多寡家
貲之厚薄令其捐免充商永無僉舉之患該商無不
樂從所有鹽課另議就場徵收恤商裕餉誠為兩得
之計據該部約計捐貲可得銀數百萬兩軍餉要需
亦可藉資接濟至就場徵課該部所陳各條果能經

理得人。必當日有起色。恆春前在山西。歷任有年。於該省釐政情形。定能洞悉。今任巡撫。釐政是其兼管。亟應妥籌良法。與時變通。著即照該部指陳各節。體察情形。速議章程。奏明辦理。並先將捐免銀數。覈實奏報。聽候撥用。毋得任聽屬員蒙混。遷延致滋貽誤。

○四年覆准。河東鹽務。由商運改為官運。就池收稅。每鹽一斤。收稅銀四釐。每名三萬斤。一百二十引為一名。每引二百五十斤。收稅銀一百二十兩。又領引加費。豫陝兩省。每名酌徵銀六十兩。同治四年奏准暫減銀三十兩。山西省分為三等。暢銷八縣。每名四十兩。

中等十九州縣每名三十二兩。次等十七州縣每名二十八兩。均先課後鹽。按年清完。入冊報撥。一山西陝西兩省官運官銷。責成應銷河東引鹽各廳州縣。自派妥人領運納課。按名清交道庫。由監掣同知編明各廳州縣額定引鹽票據。給領照運。運畢後彙繳查銷。一河南省官運民銷。責成河東道督同監掣同知。遴委妥員。按引運至會興鎮。聽民販自行買銷。一鹽池價值白鹽至貴。每名不得過六十兩。青鹽至貴。每名不得過四十兩。如有誤曬居奇情弊。照例治罪。

畦地入官。一坐商畦地出售。止准同夥畦商管業。不許市棍串通佃買。違者鹽入官。授受人照阻壞鹽法律治罪。五年覆准。河東添設靈寶縣口岸。於額引外加增鹽票。招商領運官鹽。以三百名為率。每年徵正課銀一萬五千兩。雜課銀一萬六千五百兩。公費銀四千五百兩。統限次年六月奏銷前完納。專案另行奏銷。其截角殘票。隨同殘引造冊送部查銷。又定河東正引三十八萬一千三百二道。續增餘引十四萬道。又吉蘭泰裁改餘引八萬七千五百道。陽曲

等州縣土鹽引四萬二千一百五十一道。六年奏准山西陝西兩省。照河南會興鎮官民並運辦理。三省共行引五千名。每名三萬斤。每引徵稅銀四釐。○同治八年

諭。李宗義奏蘆鹽越境侵銷。河東豫引壅滯。請飭查禁一摺。山西河東引地。被蘆鹽越境侵灌。以致豫引滯銷。封課不旺。亟應設法疏通。著河南巡撫嚴飭行銷。河東引鹽各州縣。協同委員實力查緝。如有長蘆商鹽。天津紅鹽。以及汴梁小鹽入境。即照私販例從重懲辦。並飭蘆鹽總匯之滎澤口。及發運之鞏縣長葛。

襄城周家口朱仙鎮等處各地方官出示曉諭嚴密巡緝毋任偷越以重疆綱。○九年

諭李宗義奏河東豫引積滯請飭禁違章抽釐並嚴緝私鹽一摺據稱河東豫引滯銷因蘆紅小土各鹽越境侵灌豫省行銷引地各州縣未經會同委員認真協緝所致且河東每年向有津貼河南銀二萬兩不應再抽鹽釐近來南陽府唐縣等處仍復私抽釐金遂致成本愈重行銷愈形壅滯等語著李鶴年嚴禁河南各府州縣毋許違章抽收鹽釐並飭行銷河東之引鹽各地方官會同委員認真巡查遇有蘆紅小

土各私鹽越入引地。立即嚴拏私販人犯。照例懲辦。所獲私鹽。一半歸公。一半充賞。先將獲犯官役。隨時鼓勵。俟試辦一年。如有成效。准李宗羲會同李鶴年。將委員及地方官等。奏請優獎。如或虛應故事。會緝不嚴。任令私鹽撓越。並各府州縣。仍敢私抽釐金。以致滯銷虧課。即著李宗羲會同李鶴年。查明奏參。以示懲儆。○光緒四年。奏准河東丙子綱三省額引。及靈寶加票。前請展至本年年底。辦理奏銷。奈三省行引地面。遭值奇荒。徧地鴻嗷。豈復能買鹽而食。轉瞬屆滿。萬難全數銷完。應請將丙子綱

陳引。俟乙亥綱帶銷之引封運完竣後。再分三年帶徵。以紓商力。○六年議准。河東引地自己卯綱為始。將豫陝靈寶減贍五成加費。並山西本省現准暫減五成。仍留五成之三等加費。及先後續增羨餘。一概暫予裁除。

花馬池。○陝西定邊縣大池鹽。原行漢中府延安府。鄜州。綏德州所屬之清澗縣。以光緒十七年奏銷冊計之。甘肅行七萬二千六百八十八引。課入一萬九千八百四十一兩有奇。

謹按乾隆五十

八年。延安府等處。行鹽萬一千四百引。漢中府行鹽二萬五千引。共課銀八千九百八十兩五

錢有奇。每引均行鹽二百斤。以河東鹽政總理。此缺於五十六年裁汰。後就近由司道府兼理。五十八年奏准。鹽課攤入地丁項下徵收。五十九年為始。甘肅靈州小池鹽。行平涼府。慶陽府。甯夏府。西和縣。漳縣。鹽。行蘭州府。鞏昌府。秦州。階州。洮州。衛。西固廳。以嘉慶五年奏銷冊計之。小池六萬四千四百四十引。每引行鹽二百斤。西和縣千六百二十六引。每引行鹽二百斤。有奇。漳縣三千六百二十二引。每引行鹽一百七十斤。有奇。共課銀二萬四百十有六兩七錢。有奇。以陝甘總督總理。○順治五年定。花馬大池。就近由司道府兼理。一萬引。每引徵課一錢五分六釐。漢中府屬二萬五千引。每引徵課銀八分。○八年題准。花馬小池五萬五千四百四十引。每引徵課銀一錢一分五釐五毫。○九年題准。西和縣六百五十

九引。每引徵課銀五錢八分五毫。漳縣二千八

百有一引。每引徵銀一兩一錢三釐五毫。各有

奇。

遇閏加課銀二百八十九兩四錢七分四釐

○十三年題准。增小

池六千引。大池四千四百引。照額徵課。○康熙

二年題准。綏德米脂魚河縣三屬。置票二萬六

百六十有四張。數銷錫稅。○十五年題准。每年

加課銀五分。○十九年題准。增每引加斤銀七

分。○又題准。陝西西安府屬。照長蘆例。計丁加

增二萬六百六十引。每年徵課銀九千一百四

十二兩有奇。○又題准。大池每引增課銀三分。

○又題准甘肅隴甯秦清禮洮靖撫民廳七處計丁加九百四十三引。照例徵課。○二十年題准階文徽三州縣計丁加八百四十五引。照額徵課。○二十一年題准小池每引增課銀三分。○二十四年覆准停徵每引加課銀五分。○二十九 year 覆准花馬小池並臨鞏二府徵收鹽課。令甘肅巡撫管理徵課。○三十九年覆准陝西三水縣別招土販接運官鹽至縣。所需水腳令肅州每鹽一斗幫銀一分八釐。○四十年題准花馬小池產鹽在甯夏地方。其平涼慶陽二府

十五州縣。並固原州屬四營堡。行鹽辦課奏銷。考成之責。改歸平慶道。其甯夏二十九營堡。仍屬甯夏道管理。○雍正二年題准。陝西漢中府屬。向食花馬大池鹽。自雍正三年為始。改食花馬小池鹽。○十二年覆准。漢中府引鹽。改食花馬小池之後。空截引角。不能實運實銷。今仍食花馬大池之鹽。其小池歲產餘鹽六千石。每歲給六千引。令平涼慶陽甯夏三府所屬州縣商人行鹽辦課。其新增課銀。以十一年為始。造報奏銷。○乾隆十六年議准。河東餘引。自雍正三

年。至乾隆四年。陸續增領至二十萬。全銷有年。乾隆五六兩年。於原引二十萬外。復增領四萬。兩年之後。漸見壅滯。應將續增餘引四萬。暫為酌減。其二十萬餘引。作為定數。照舊銷辦。俟數年後。積鹽疏通。商力充裕。該鹽政酌量情形。仍復二十四萬之數。四十一年。議准陝西之花馬大池。漢中府。並甘肅鹽價。隨時長落。俱無定價。又議准甘肅引課。於次年八月奏銷。五十八年。奏准陝西西安等七府州屬。向食河東池鹽。自五十七年河東課歸地丁。該七府州屬

鹽課銀兩。改歸地丁項下攤徵。鹽聽民運。延安等五府州屬。因不食河東池鹽。未經議及。今河東業已裁改。該五府州屬引課奏銷。未便仍循其舊。將應徵鹽課。一併改歸地丁攤徵。○五十九年議准。陝西延安等屬。向食花馬池鹽。歲額鹽引。共三萬九千四百道。由延榆綏道。並漢中府。赴部領繳。今課歸地丁。鹽聽民運。所有每年行鹽部引。毋庸再領。紙價銀兩。免其交納。○又議准。陝西地方。全係民運。無論土鹽蒙古鹽。及花馬河東池鹽。悉聽民人到處運賣。並無禁私。

之地。即間有就近買食土鹽。蒙古鹽之類。並有
外來鹽販。攔入者。均不許禁阻。亦不准私收稅
錢。惟甘肅。四川。湖廣三省。與陝西之鳳。漢。商。邠
等屬連界之處。飭令各該地方官留心查緝。毋
許越界偷販。又議准。陝西榆林縣所屬之永
樂倉。馬湖峪。並綏德州屬之三眼泉等處鹽池。
均係竈戶祖業相承。其中界址。各有一定。應令
照舊管業。不必官為經理。遇有典賣。報明地方
官立案查考。至定邊縣屬之花馬大池。係屬官
地。由延榆綏道出示。召募坐商。自出工本。雇夫

撈曬鹽斤。與商販交易自運出售。均聽其便。至大雨時行。應行保護。責成該處縣丞。就近督令坐商妥協經理。○嘉慶元年覆准陝西五郎廳從前冊報定額鹽課銀二十二兩一錢。今應加接徵石泉縣課銀六兩六錢三分七釐。共應徵銀二十八兩七錢三分七釐。石泉縣前報定額鹽課銀一百三十七兩一錢三分六釐。今除改歸五郎廳接徵銀六兩六錢三分七釐。應攤徵銀一百三十兩四錢九分九釐。○十三年

諭。吉蘭泰鹽斤。令甯夏道兼管鹽法道辦理。並令該督

於各條中酌量一員。在該處輪流駐紮。以資查察。其
院由鹽務仍照舊令鳳郛道兼鹽法道管理。○十四
年奏准。陝西漢中府二廳。一州。八縣。原設土商
一概裁撤。額引二萬五千道。毋庸給發。每年應
徵課銀三千七百五十兩。按丁攤納。○十六年
奏准。陝西興安府一屬。照鳳翔府例。改食靈州
花馬池鹽。聽民運銷。所有應徵鹽課紙價餘平
等銀一千九百七十七兩零。亦照鳳翔府例。在
於該府七屬地丁銀內攤徵。每年應銷餘引四
千八百十道。仍赴河東道照舊領繳。應徵公務

官錢等銀一千六百五十三兩零。一體減免。
道光九年覆准甘肅鞏昌府屬之漳縣。改為隴
西縣丞。所有領引繳殘事宜。均歸隴西縣丞經
管。又定甘肅省歲額正引七萬二千六百八
十八道。內分銷隴西縣丞引三千六百二十二
道。每引徵銀一兩一錢七分三釐五毫有奇。又
分銷西和縣引一千六百二十六道。每引徵銀
六錢五分五毫有奇。又花馬小池引六萬七千
四百四十道。每引徵銀二錢一分五釐五毫。
又定甘肅省鹽引。每引配鹽一百七十八斤五

兩。至二百斤二兩不等。

鞏昌府屬之西和縣。隴州直隸州。暨秦州直隸州。

州屬之兩當縣。徽縣。禮縣等三縣。每引配鹽二百斤。二兩。蘭州府屬之靖遠。鞏昌府屬之隴西縣。

丞。甯遠。伏羌。安定。會甯。通渭。岷州。洮州。西固州。同。暨秦州直隸州。並所屬之清水。秦安等。一十

三州縣廳。每引配鹽一百七十八斤五兩。按地。平涼。慶陽。甯夏。三府。每引配鹽二百斤。

搭配行銷。○咸豐八年

諭樂斌奏請將甯夏蒙古地方行銷內地土鹽抽收商

稅一摺。甘肅甯夏蒙古地方。向產土鹽。各處商民往

運轉販。並未徵收稅課。茲據樂斌奏委員查明。並酌

擬章程抽收商稅。聲明無礙正課。並不累蒙古生計。

即著照所擬章程辦理。仍著該督隨時查察。以期經

久無弊。至此項土鹽行銷內地。向無例禁明文。與夫
察私販者有聞。所有歷任各官。均著免其查議。欽此
遵

旨議奏。甘肅甯夏蒙古地方所產土鹽。准其進口。從一
條山。五方寺。至皋蘭靖遠條城。經安定。會甯。隴
西。甯遠。秦州。轉運漢南一帶銷售。不准私繞小
路侵銷別境。違者倍罰。所收稅釐銀兩。每鹽一
百斤。收
稅銀八兩。抽
釐銀八分。由陝甘總督按季報部。